



*Rabu, 01 November 2023*

**Ogen : Juna 1: 1-3**



**Lompat I bas Tuhan nari**



**N**terem kalak make gelar Juna. Tapi jarang kalak meteh kai ertina "Juna." Juna/Yunus ertina nderapati. Nderapati megati jadi lambang perdamen ras kesetiaan. Bagi nina Jesus, nderapati e me lambang ketulusen hati. Tapi, Juna anak Amitai, ia me nderapati si ingkar janji. E maka nungkun me kita, la nge salah pilih Tuhan e ndilo Juna jadi nabi? Nderapati si sada e labo lambang dame tapi pusuhna dem alu sura-sura gelah Niniwe ikernephen Tuhan. Nderapati si sada e pe la terteki, isuruh ku Niniwe, tapi lompat ku Tarsis. Nderapati si sada e pe labo tulus ras bersih puduhna sabap meriah ukurna adi kalak kena ukumen. Juna sada ndrapati si ingkar janji. Amin bage gia, ia sekalak nabi si istimewa. Engkai? Pemena, ia me sekalak nabi si isuruh Tuhan ku negeri asing guna nehken Kata Dibata man kalak "kafir" e me Niniwe, ibukota kerajaan Assyria si bayak. Banci kataken ia sekalak misionaris pertama si erdahin i luar negeri. Peduaken, pengalamenna luar biasa kal. Apai kin nabi si erberngi ras nginap i beltek nurung telu wari-telu berngi. Erkiteken unikna penglamen Juna, maka Jesus pe makeken pengalaman Juna guna nggambarkan diriNa i lubang kubur. Si jadi perenungen e me si tuhuna kai si ilakoken Juna megati nge e si lakoken. Umpamana, la patuh, ingkar janji ras lompat i bas Tuhan nari. "Juna, lawes kam ku Niniwe!" "O, ue Tuhan". Tapi sinik-sinik lompat ia ku kuta si deban. Adi ku Niniwe ndauh ras latih janah mbue bahayana tapi adi ku Tarsis ntabeh ras santai. Banci naik kapal ras tunduh i je. La lit beban tugas ras kewajiban. Megati kita lompat arah dahin si ibereken Tuhan man banta. Tapi adi sekali Tuhan ndilo ras nuruh kita, labo pernah ipelepasNa kita. Mbue gundari kita isuruh guna ndahiken dahin pelayanen tapi sikapen siakap bagi kai si ilakoken Juna asum ia lompat ku Tarsis, ntabeh medem. Mbue gundari pelayan bage pe Moria si ntabeh akapna medem aminna pe mbue si man dahinken.